



977738

鵲愁山館詩草

白燕篇

月華如水浸遙空  
 玉階雪絮低簾櫳  
 梨花香冷不成夢  
 欲訴不訴嗁春風  
 春風那解孤棲意  
 年年祇結相思字  
 鎮日籠中怨寂寥  
 冰紈溼透銀絲淚  
 憶箇雙棲玳瑁梁  
 鬱金堂上鬱金香  
 輕身慣學織衣舞  
 淡掃誰憐絕世容  
 妝成絕世真傾國  
 昭陽一去音容沒  
 掌上恩深任棄捐  
 玉顏無限傷心色  
 渡口蒲來日又斜  
 青樓不是舊兒家

鵲愁山館詩草

誰將一片流離意  
 靜掩金鈴護落花  
 可憐花落春如夢  
 別淚寒潮相與送  
 風流忍著舊烏衣  
 况經吹墮秦樓鳳  
 鳳去樓空月不圓  
 無情眷屬有情天  
 柔絲枉把同心綰  
 離恨羞將澀語傳  
 噫吁嘻人生自古難  
 如願玉釵敲斷紅鸚  
 怨袁家白燕解唵詩  
 憐汝獸作雕籠宛轉悲  
 嗁之白燕

春夜望月

遙夜盪古愁  
 獨立憑誰訴  
 顧影惜嬋娟  
 怕被春風妒  
 碧天生夜涼  
 花落添衣香  
 亭亭悄無語  
 明月轉迴廊

善花  
 唐景圭  
 詩賄  
 天  
 天  
 天

殘春雜感

獸坐悲春暗自憐，清陰又過海棠天。  
閒人亦同花瘦，瘦盡東風非少年。

杜鵑啼遍堊花飛，遊子傷心淚滿衣。  
一樣青青河畔草，卻從何處報春暉。

落日憑揮壯士戈，茫茫天意竟如何。  
年來無限憂時淚，一夜青衫溼幾多。

亂紅點點暗江邨，春老剛宜燕到門。  
鎮日營巢渾未解，香泥怕認舊時痕。

鏞愁山館詩草

題雪梅

虬螭屈蟠瘦管禿，太古冷香萼不綠。  
老鶴宵驚喚一聲，滿樹玲瓏碎寒玉。  
迴風團雪花，斂身溟溟暗動江天春。  
夜深疑月捲簾看，瓊枝墮地清宜人。

新燕

羈棲有客惜年華，怕見雙雙燕子斜。  
香雪簾櫳遲入絮，綠陰門巷亂飛花。  
新泥淺啄閒營壘，舊社重來便作家。  
一樣悲涼驚夢醒，何堪春信渺天涯。  
休將遷徙感冥鴻，泥雪閒蹤歷慣同。  
翅溼待沾紅杏雨。

翦輕愁掠綠楊風寒生料峭眠難穩舞笑踟躕態未工  
莫入昭陽舊時院錦屏零落翠煙中  
關山飛度路茫茫別後無端意緒長問主心情終繾綣  
營巢身世太淒涼不堪夜雨青樓管何處春風白玉堂  
王謝舊家今在否含情怕過五陵坊  
驚傳海內劫灰飛北折南來心總連六代雲山空過眼  
三春花柳自成圍拋殘紅雨愁應織喚醒烏衣夢已非  
一度相逢一惆悵莫教秋冷又思歸

白桃花

錦愁山館詩草

三

小桃初放一枝新斜傍銀牆不見春莫怪臨風淡無語  
白頭羞作楚宮人

晶簾隔月冷香魂春帶梨花共掩門可是玉人牆畔立  
亭亭疏影夜無痕  
素妝明媚襯雲鬟渡口相逢祇等閒生在東風都薄命  
銷沈何苦怨紅顏

春閨怨

寶鼎香溫玉篆添東風盡日不鈎簾筆牀書卷渾拋卻  
病過春寒怯指纖

和程訥齋孝廉寓感原韻

祇餘一例賦閒情雲掩湘簾感易生鏡裏青山眉隱隱  
燈前紅豆淚盈盈麝薰衣窄香長抱蛾蹙心煎火尙明  
爲祝秦樓簫引鳳步虛吹下九天瓊

偶對樽前舞柘枝深情端不讓柔之因風柳絮疑無主  
出水荷根便作絲畫閣重封金屈戌雲裳爭妬楚腰支  
憑誰箇裏傳消息一半春愁乍上眉

十年重見舊丰神鬢影衣香喜乍親羅隱無名應笑我  
雲英未嫁可如人春裁白袷愁仍疊月黯紅樓夢亦眞  
最苦無憀風雨夕搗香成屑屑成塵

錦愁山館詩草

四

自將心事訴東皇噓柳吹花那忍狂笑認酒痕嬌穉杏  
怕翻衣疊亂空箱鏡摩小影芙蓉豔綺結東風豈惹香  
安得黃姑能竟渡銀河不隔水蒼蒼

寄懷昌江喻式泉

此別候半載相思阻各天愁沈雲漠漠春恨雨緜緜結  
想拋紅豆臨風盼錦箋靈犀祇一點飛不到君前

碧窗

碧窗人靜怯春宵細碎鑪香細意燒心似芭蕉舒復卷

卷舒舒卷兩無聊

早秋夜坐

網綴旋驚月簾疏莫掩風愁眠損清夜涼意逗遙空雲  
淨霄澄碧燈殘花墜紅極天悲早鴈古壁訴秋蟲耿耿  
星難曙遲遲漏欲終休疑涼露滑淚落故衫中

娥娥篇

娥娥玉顏嬌金屋鴛錦停梭待成幅一霎狂飈捲敝絲  
海棠紅對秋陰哭紅溼秋陰絕可憐連環宛轉冷情天  
秦箏夢裏聲猶溼蕭史樓頭月不圓憶答妾居西陵道

鐫愁山僧詩草

五

青梅戲弄猶嬌小嬉遊竹馬慣迎來祇道門前折花好  
催歸風雨下錢塘錦纜輕舸繫恨長此時不信妾命薄  
背人閒繡雙鴛鴦箇中消息憑誰道小影溫郎年最少  
一朝移置玉臺前心心暗祝低同笑約略柔情祇自知  
盈盈十五數佳期那知秋待黃姑渡先促春人命短絲  
昨夜恩恩飛耗速斷腸篇擬從今續枕上潛凝珠淚紅  
鏡中暗慘眉峰綠綠意紅情兩不禁自憐豔福已消沈  
勸君莫譜離鸞曲遙夜淒涼怨素琴不是情天原有缺  
紅絲錯向人閒綴定知花裏好因緣及時纔縮同心結

七夕

離情脈脈夜迢迢同是銀河水一條  
媧女儻將天補石  
神仙何事鵲填橋

金梭夜夜織離愁到此離愁織盡不寄語  
深閨小兒女  
含情切莫上鍼樓

秋夜讀玉谿集有作

金缸花墜漏聲淒舊憾重尋管漫提不可解  
詩偏耐讀  
但存古意便無題秋清風緊斜銀漢豔冷香多祝玉谿  
莫漫穠華說温李由來風格判雲泥

鑄愁山館詩草

六

寒蝶

并序

余本愁人有觸卽動偶借諸昆小憩於菊花叢  
中對飲清譚晚涼欲挹護花主人指而告余曰  
此中有寒蝶依傍數日矣余起眊之覺風致雖  
娟不勝的的可憐之態已而嘆曰是蝶也替則  
春風游冶倩花影以扶嬌今則恨雨淒涼偎寒  
叢而歎抱何榮落衰變若斯易易也感此成詩

三首

零煙賸雨最淒涼飄泊無端笑粉郎飛上寒叢猶款款

芳心畢竟是憐香

淡黃輕著爲誰妍消瘦而今劇自憐怕憶舊時庭院裏  
風搖團扇影翩翩

落花飛絮慣相迎無那愁長夢易醒今日碧闌重見影  
一般都作可憐生

寒蝶三絕甫成忽聞護花主人云是蝶已化去數

日尚抱花叢因用前韻作弔蝶詩

丹青我欲做周郎淡寫輕描筆亦香顧影早疑秋樣瘦  
織衣爭耐雨風涼

鐫愁畫草

七

一種纏綿百種妍倚闌猶羨影翩翩無情最是西風惡  
不管離愁不解憐

莫教好夢喚初醒記取花前一笑迎愛惜忍將金翅壓  
樊籠任爾脫今生

此弔蝶第三疊也余連作數疊一時和者多至百餘  
疊其付石者百首題其圖曰憶秋小影餘俟續刻

夜夢與諸昆聯吟得嘖護離騷一瓣香之句起閱

諸作適得三十三疊因續成一絕爲百蝶詠

滿幅閒愁故故長休將作畫擬滕王風華半是詞人淚

嘖護離騷一瓣香



一劍

一劍酬知已風塵結賞難  
痕留夜光碧水翦鐵花寒誰  
當盪妖氛開匣起長嘆

謁舜陵

鷓鴣聲裏欲黃昏  
漫倒蒼梧酒一樽  
碑古苔皴應沒字  
淚枯竹冷尙留痕  
九秋煙月迷湘浦  
全楚風雲護墓門  
極目遠山眉黛蹙  
猶疑帝子泣歸魂

和家韻琴女士窗衣畫梅原韻

香團晴雪麗窗紗  
無價春從筆底賒  
纔向風前唵柳絮

鐫愁山館詩草

八

又添清韻上梅花

點綴生綃細意看  
前身姑射秀珊珊  
芳心懺盡冬心苦  
一枕清魂夢裏寒

肯將愁緒訴花神  
聊借梅魂自寫真  
玉骨冰肌寒有韻  
倚窗恰稱瘦嗔身

香霏銀管淡成春  
清透詩心最可人  
不是仙風浪飄墮  
料應侵不到紅塵

附原作

唐

冰韻琴

寒風昨夜透窗紗  
清夢無聊恨轉賒  
最是一般奇絕

處素心人乞素心花

花影搖窗子細看仙人玉骨本珊珊一生冰雪真知

已素守清芬耐歲寒

繪出疏櫺一段春冰爲肌骨雪爲神孤高不羨閒桃

李明月多情結比鄰

一種芳姿迥出塵壽陽風貌寫來真香融寶鼎檀雲

散銀燭高燒詠美人

和周笠樵舍人途中偶成原韻

乾坤餘涕淚躑躅此狂吟海霧迷妖蜃邊烽慘積陰甯

鐫愁館詩草

九

投定遠筆羞鼓雍門琴躍躍腰閒劍空存烈士心

寒夜曲

薰籠不溫香氣少輕煙猶在湘簾裊玉繩遲遲繫妾心

銀壺滴盡天難曉雲鬢欹殘續夜愁夢中掛卻玉搔頭

鸚鵡驚寒倏喚醒又聽落葉打簾鈎

三十初度述懷

彈指光陰三十年祭詩翻在祝生前有形何物可稱壽

與老不逢除是仙對鏡漸看雙鬢改懸弧慙占百花先

余以二月十三日生何期天亦憐風雅留取詩人翰墨緣

欲翻溟浪跋長鯨敢負男兒七尺名學劍未成羞作俠  
憂時有淚誓從征身愁入世難諧俗生慣逢人忌不情  
肝膽輪囷向誰露年來哀樂總難平

青雲盼望志都灰鵬已盤巢眼倦開安雅拚將詩作祟  
近名終與禍爲媒恨無負郭耕蘇子忍說斑衣製老萊  
曾是謝庭唵詠地不堪清夜首頻回

茫茫塵海苦奔波亭午流光奈去何劫後文章聊復爾  
癖餘金石尙難磨傾殘白墮唵情碎溼盡青衫淚點多  
欲遣愁懷難自遣良辰無那客中過

鐫愁山篋

十

春雨夜坐次繡堂韻

照影青袍轉自憐東風回首負芳年錢飛榆社春難買  
鈴警花房夢未圓蠟炬心灰空有淚鴨鑪香盡已無煙  
當階殘柝當窗雨併作閒愁到酒邊

城北紀遊

沙沈鐵戟幾經秋弔古橋邊憶昔遊  
莖草閒花尙含恨  
春風愁過酒家樓

莽莽紅羊浩劫經三唐鐵佛尙知名  
傷心破柱埋青草

山鬼荒涼戰血腥

碧蕉風裏讀書聲，猶自治經署。舊名儻使叔孫綿，葺肆可能留住魯諸生。

柔條采采不盈筐，無復排雲綠過牆。空繪幽風圖一幅，何人更拜馬頭娘。

浪擲金錢笑未工，電光石火話怱怱。可憐十五良家子，不織新練廢女紅。

碧湖湖水冷潛龍，古寺無人打暮鐘。一髮青螺盤踞處，頑雲低壓佛頭濃。

隔岸漁舟唱采菱，青山隱隱塔層層。將軍飽腹渾無事，

鑄嵇山館詩草

七

新製雕籠刷翠翎

風光過眼霎時休，怕惹香塵襟上留。恰好三點兩點雨，飄微遊人一段愁。

自題三十小影

鏡裏青袍換舊時，怱怱潘鬢漸成絲。披圖笑認嗔身現，投筆慙非骨相奇。蕉萃秋風司馬淚，闌珊春夢玉谿詞。自憐瘦影飄蕭甚，說與東陽恐未知。

湘江竹枝詞

靡蕪吹綠到湘城，門掩東風燕子聲。忽聽賣花人一喚，

紅窗無限捲簾情

作團胡蝶攬飛花姊妹攜籃去採茶爲道別離情最苦  
採茶莫摘雙生芽

寫出團圓別樣詞楚南兒女最情癡西鄰阿妹重相約  
明日遊城去莫遲

蒼梧漠漠暮雲飛黃陵古廟餘落暉一夜雨淋溼斑竹  
猶疑帝子淚痕揮

衡山山下產山薑沅水盈盈白芷香攜得長鑱鋤良藥  
食宜甘品佩宜芳

鐫愁山館詩草

三

天公釀雪寒先侵欲下不下陰沈沈夜深山頭綴瓊玉  
清磬一聲月在林

次韻式泉書所見舊作

來詩自注十年前喪偶越歲乃遇一姿貌情詞逼肖

者感詫交集因目爲羅浮謫仙云

黃羅題遍小紅歌才子鍾情奈若何喚作真真真又幻  
淚珠拋盡已無多

瓊枝爲骨玉爲神縹緲羅浮認逼真真箇銷魂真箇恨  
眼中風景夢中人

約略風流細膩添是生疏處故莊嚴暗香冷逼梅花夢

丁屬寒風莫揭簾

情天誰信補來難  
一度相思一探看  
縱到秋深風緊日  
也應篋扇惜團圓

書憤

飄零書劍老風塵  
冷眼逢人閱更新  
迂曲轉形名理偽  
纏綿方見性情真  
每從幻處思無我  
難向愁時索解人  
蘭芷于秋一灑淚  
孤心苦憶屈靈均

征衫

西風昨夜透虛帷  
檢點征衫暗自思  
陰苦不嫌腰太瘦

鐫愁山館草

三

感深易落淚  
千絲聲淒玉杵人催老  
涼逼金河鴈到遲  
留得舊時慈母綫  
傷心怕讀早寒詩

先母有細剪兒衣法早寒之句

秋夜曲

秋風入羅幃  
深夜轉蕭索  
輕聲放剪刀  
怕蹙燈花落  
促織復促織  
當窗何太急  
爲君熨寒衣  
夜長羅袂溼  
靜置博山鑪  
香温煙篆細  
嬈嬈何纏綿  
無人解儂意  
團圓明月光  
照妾雙明璫  
明璫如明月  
月落隨君旁  
來時隴頭雲  
去時江上月  
待郎郎不歸  
羅裙化胡蝶  
蛛網罨屋角  
瞥見暗自驚  
人言宛轉絲  
是妾宛轉情

和程海年大令感秋風四首

不煩勁響振林柯已失繁陰氣候和  
唳鶴屢添風勢緊斷鴻吹落徵聲多  
應憐篋扇捐秋怨驚聽刁環出塞歌  
三十男兒雙短鬢涼飈推撼奈愁何

景物蕭條寄慨深怕將倦眼睇遙岑  
黃埃亂捲不成雨畫角橫吹空斷音  
茅屋悲歌秋士淚蘄湘哀怨美人心  
彌還底事虛帷叩助我淒涼歎夜陰

病鶴離衽久倦翔坐驚簷馬忽丁  
當萬家明月砧聲冷一枕新霜旅夢涼  
塞鴈影衝銀漢迴砌蟲聲促玉人忙

鐫愁山館詩草

古

杜陵豈歎悲秋意極目烽煙總斷腸

望望殘黎劇可哀戰塵飛上越王臺  
天翻殺氣秋逾慘地入蠻方瘴不開  
掃蕩莫延瓜蔓種護持還仗杞枏材  
何當紫陌噓枯急會見蔥龍嶽色回



綠陰書舍遺詩

長沙曹典藩价人撰

俠客行

千金市吳鉤七寶裝越鏢匣動老龍吟芒寒羣魅愕大  
讐身未報屏居迹暫削長嘯天蒼茫微行日蕭索儵去  
隼離韞乍來颺隕稜翩然一擊閒頭顱夢中落紅綫既  
已遙黃衫亦不作悠悠我所思肝膽向誰託

少年行

人生固多難我意良尠愜偶興星夜駕言縱秋郊獵肥

綠陰書舍遺詩

一

馬弄空驕飢鷹掀地捷火照霞共明箭穿石俱裂騰身  
舞燕輕引手飛猱接禽號有傾巢獸挺無覆穴碎錦散  
風毛灑丹霄野血歸來割鮮食綠醕浮杯冽醉態帽簷  
斜悲哥壺口缺湖海氣難消輪囷膽易熱男兒不成名  
茲焉遣歲月

狎遊行

玉兔如旋輪金烏似激箭念此蹙蹙者是用窮游衍華  
筵布高堂綺座開密宴聖賢清濁酒水陸鮮肥膳雕輪  
趣趙姬洞房微楚豔纖步鳳頭輕低鬢蟬影顛鴻驚舞



態翩鶯滑歌喉轉相嘲揜袖狂未醉持觴勸鳥交歡正  
濃燭短跋將見壺漏促丁當盤香燼甲煎拳襦解明璫  
墮枕橫翠鈿髮澤醒微聞口脂芬欲嚙雖吳無荒戒差  
排不平念從茲薄倖名傳播青樓偏

天未凌虛行

人生不得意局趣哀轅駒軒然別儔侶遠征聊自娛西  
極驂駮駢北溟策駒駘執壁見金母投壺陪玉姝須臾  
命置酒仙液紫琳腴行厨擘麟脯妙舞回鸞軀盡歡將  
整駕畱客仍揜祛遂入九光室同披五真圖居時何所  
食碧海椹如珠去時何所贈瓊田芝似菰離緒雖惻惻  
長謠且鳴嗚三年期再會毋爲淚霑裾

寶劍歎

腰間一寶劍歲久作龍喙痕畱血瘦碧光逼星斗青倚  
天未能飛頽然臥空林拂拭長太息風雨生秋陰

春夜聞雁

湖南草長雪全消塞北雲橫路正遙細雨瀟瀟春有信  
殘鐙耿耿夢無聊征人白首軍中老蕩婦朱顏鏡裏凋  
乍聽一聲都下淚萬端愁緒攪今宵

貼地苔痕密撐天樹影齊簷牙蛛絡網壘日燕添泥犬  
小迎賓吠兒嬌索果啼幽居無一事坐着日沈西

秋晚登禹碑亭

突兀峰如削回旋路似縈亂雲扶客屨落日響樵斤碑  
古苔紋蝕亭荒石柱傾美哉明德遠湘水至今清

紅葉

何處秋光倩品題斬新圖畫展湘西疏煙冷抱鴉拳小  
落日寒衝雁影低萬幅輕綃裝早徧千重碎錦剪都齊  
祇愁一夜迴風掃多少行人路欲迷

綠陰書畫遺詩

三

凜冽難禁曉吹寒媼妍猶映夕陽殷百年老屋門前樹  
一杵寒鐘寺外山淡染乍疑思婦淚濃分先上醉人顏  
可憐漁父尋源至誤認桃花洞口環  
曾聽春陰坐小橋又看秋色倚疏寮霞光盡埽參天淨  
霜信先知占地高影浸澄潭明瑟瑟籟生幽徑響蕭蕭  
怪他青女新妝罷浪把臙脂點樹梢

光陰如箭暗相催露白霜清又一回流水宮中人易老  
停車徑裏客初來宵寒淒切嘸蠻咽晝靜伶俚瘦蜨偃

我亦羈棲感遲暮吟詩對酒意衰哀

除夕雨

漠漠雲還重陰陰瘴不開震雷催臘去寒雨送春來花  
薦迎年座香浮別歲杯團圓真可幸醉暈上兒腮

是夕聞雷

春雪

青山未必識春愁底事春深盡白頭夢裏曾逢縞袂  
人間今又見瓊樓嚴寒已負花千樹遣興惟憑酒一甌  
料得封姨年十八淡妝靚服更風流

昨宵猶聽雨淒涼曉訝天公戲玉忙垂柳乍憐遭白眼

綠陰書事詩

四

殘梅重得點宮妝浴浴院落渾藏月皎皎樓臺似著霜  
莫與佳人比顏色輸他粉黛一分香

宿麥連雲慰老農勞他引領盼三冬鶯簧炙處銀俱潔  
蜨夢醒時粉更濃二月直逢飛絮早萬家都訝落花封  
唸情底事深如許正恐春光負阿儂

漫天匝地影珊珊只有騷人著意看窗外風侵書幌冷  
邨前雪壓酒旗寒窮憐蘇武羶俱嚼幻倩麻姑爪共搏  
韶景若教天護惜晴光休放日三竿

蕉扇二十韻

製出蒲葵外芭蕉扇絕佳涼痕團袖角暑氣減襟懷種  
記依修竹陰羞借古槐心抽紅綻露葉展碧盈階日午  
愁珠汗風炎偏玉骸剪裁勞野客熨貼倩村娃字恰題  
筠管花還畫粉釵柄垂鴛結小香囊麝煤揩豈必精粗  
判常教出入偕動搖疑雨至拂拭怕塵埋輕撲荷衣爽  
溫嫌絮帽乖分攜同菊枕誤墮掠櫻鞋埽處桃笙淨揮  
時茗椀排晝眠防壓損夜話助談諧破爲撞琴匣懸應  
傍箭斨爭觀任兒女戲贈到朋儕有蚎驅三徑無人賣  
六街藏雖畱蓋篋棄或混松柴淡泊蘆簾比清涼蕙帳  
皆齊紉矜富貴不遣伴書齋

綠陰書會遺詩

五

秋闈落第柬蒲堂

聖朝大比羅英才譬如參苓儲藥籠萬人逐隊魚貫索  
九日扃門蜂聚桶文章各欲駕韓蘇策對齊誇軼鼃董  
下筆疑蠶食葉聲屬辭類蟻穿珠孔試卷斑斕五色迷  
主司淹貫羣言總定知辛苦揀沙金未許仙丹雜鉛汞  
天邊桃李荷栽培岡上梧桐詠萋葦騏驎騰驤道路開  
鷗鵬翔翥風雲動人皆整翮拂煙霄我猶垂翅棲埃壘  
劉蕢下第劇淒清張祐獻詩徒倥偬殘經回憶披蠹蟬

覆甕溪慙淪蟻螻五千未拄腸枯槁數百難容腹空洞  
祇合貧交狎牧樵敢期髦士宜瑋琫况復幽居樂趣賒  
雨後看山雲鬱蒼寒花小圃散芬馨晚稻低田收結穗  
區區得失何足言作詩寄君供一啜

壯士吟

天山古戰場秋草帶沙黃胡兒好身手牧馬踏晨霜將  
軍罷獵回歡宴樂未央笙歌紛雜選羽檄來倉皇單于  
自臨陣控弦十萬強詭道緣蟻蝓孤城奪鳳凰邊備既  
已窳勁敵疇敢當紅塵散營妓紫塞泣國殤麾下壯  
士拔劍神激揚願言洒仇恥捐軀誓勤王一擊走冒頓  
再戰平氐羌血流冰海赤屍填雪窖僵磨盾作露布捷  
音奏廟堂功成謝高爵長嘯歸故鄉

貧女吟

春殘花落天晝靜簾垂地顛賴貧家女獨居暗掩淚昨  
因採桑出陌路逢游騎白燕玉爲鞍朱龍金作轡彼姝  
者何人意氣不相避香風簇羅綺麗日耀珠翠鄰姥向  
儂言夥頤門第貴厥父連城守乃夫專閫帥歸來長歎  
息輾轉中心醉一種好顏色窺鏡塵弗類眉爭柳葉纖

面奪芙蓉賦何獨蓬戶中十年猶未字烹葵療夜飢刺  
繡妨春睡腰瘦布裙寬髮滑荆釵墜乃知世俗情趨附  
重榮利孤寒奮迹難豪貴投時易

早春卽事

宿雨初情水拍隄野桃含萼柳生稊冰銷淺澗魚爭上  
日出深林鳥亂啼因愛酒時期有客每吟詩處苦無題  
東風解語應相笑猶臥蓬廬守舊蹊

綠陰

步漁洋山人秋柳韻

何人賦別最銷魂春在人閒獨掩門那識北窗新映處  
依然南浦舊時痕參差燕度疑無路濃密鶯藏又一村

綠陰書金遺詩

七

多少離愁頻點破黃花紅葉總難論  
疏林曾記飽經霜轉瞬高低覆堊塘書室淺侵名士硯

妝樓斜透美人箱移牀此日猶懷魏作畫當年欲倩王  
對此眠琴應獨好淒迷難問五陵坊

山頭屋角潤霑衣回首緜華景漸非院裏苔紋同掩映  
湖邊草色認依稀非關夏雨生猶淺尚憶春花亂欲飛  
惆悵也應同杜牧東皇何事便相逢

幽精如許鎮相憐一望森森入暝煙庭院宛增雲密密

園林新受雨，縣縣遠看碧。浦生波日慘，憶黃裳入座年。  
太息明湖詞客去，荒塞流水夕陽邊。

瀟灑

身閒無一事，瀟灑與何如。游趁春晴後，眠當午飯餘。  
絮談嫌俗客，瞑坐憶亡書。漸覺心情淡，臨流學釣魚。

感事

三韓形勝接幽燕，豈獨屏藩二百年。城郭迹仍箕子舊，  
圖書識又蓋蘇傳。孤軍鶴化遼陽戍，駭浪鯨翻日本船。  
聞道子遺勢面哭，援兵南盼大朝憐。

綠塵書會選詩

八

諸將臨戎握虎韜，風雲叱咤擁旌旄。虛聞壯士歌三箭，  
未見征人唱大刀。白馬選軍肥苜蓿，黃龍飲痛醉葡萄。  
古今第一安邊策，帷幄誰當勝算操。

鳳凰城接鳳凰山，有客登高涕淚潸。

時長沙涂孝廉景濤從軍奉天

上旄頭臨渤海地，中鼓角近榆關。將軍貴歷安東辟，戰  
伐名輸定遠班。奇語沙場休醉臥，男兒馬革裹屍還。

大事糊塗豈得成，可憐殷鑒太分明。倉皇失律悲楊錫，

苟且和戎憶石星。金帛已空終割地，干戈未靖強銷兵。

如河滄海波濤闊，冢宰乘槎萬里行。

業師唐柳村夫子以五十自壽詩見示謹步原韻

何必神仙玉液斟杖家珍重此光陰鍼砭早試回春手

銘錄常存救世心

夫子善醫又撰名心切戒錄以警世

詩到餘閒情更健

酒逢微醉樂尤深故知鬢髮滄浪叟自壽還能擁鼻吟

自向程門立雪回流光十二等閒催論文酒記螺尊倒

話舊盤看蠟炬灰銅鉢昔曾誇藻速瓊筵今又傍花開

可知南極輝騰處玉宇澄清不染埃

西抹東塗薄少年阿婆豪氣尚依然蘇瓊有子人爭羨

羅隱無名我最憐十畝但存躬稼地一飛何取翼垂天

綠雪齋遺詩

九

齊眉豔說梁鴻婦猶愧香閨翰墨緣

韶華易逝等流波駒隙恩恩影瞥過高適詩名當晚歲

買臣富貴託行歌生來任運機心少老去憂時熱淚多

但願精神彌矍鑠渾金璞玉不教磨

村原作

唐宗海

柳村

笑集親朋酒共斟一彈指頃此光陰天教質弱消雄

志人爲病多生道心

弱冠患瘧數年始痊

壽世有懷慚術拙育

才難遂總情深亦知身後多莫輒慰我何如倚醉吟

蒼茫身世首頻回壯不如人老又催伯玉知非期過



寡買臣登第已心灰詩雖退力情猶擊酒爲澆愁量  
漸開底用儒冠高岌岌與時曾未補涓埃

依樣春風似昔年摩挲錦瑟倍凄然塵勞滾滾知何  
盡時事洵洵空復憐退守自饒無量福忌才難解不

情天

舊友及從事質  
敏者多夭折

也知人世都如寄奈有當前待

了緣

韶光無那等流波鴻雪鶯花一瞬過風雨燕巢尋舊  
夢江湖往事寄悲歌抱慙書劍頭顱老放眼乾坤涕  
淚多安得哀絲與豪竹洗將塊壘盡消磨

闡幽詩

綠陰書齋詩

十一

嗟哉余從母

從父廣佑  
之妻王氏

貞苦世鮮知今茲爲表揚溯自

初嫁時夜行常秉燭晝出不踰閨豈徒嫺禮法兼復盡  
孝慈有翁翁早沒有夫夫最癡家貧四壁靜晷長一食  
飢姑老病且殆牀褥臥呻呻候火宵煎藥汲泉晨作糜  
死沐斑狸榔生求扁鵲醫曾無異力助皆以隻身持結  
稿十載餘荼蓼甘如飴不言辰命奪唯願室家宜未幾  
藁礎亡積憾高九疑宛轉纒縈緯纏絲縛寡絲拔我頭  
上釵棄我匣中脂柏舟矢同穴菽豢教孤兒兒年漸成

立舞綵樂怡怡親老備身養門衰髮婦遲天道何茫茫  
竟使絕其基卵破巢空在苗摧種不遺飯帷月慘慘窮  
巷日悽悽甌冷塵寸積衣空絮生披尖聲徹鄰里聞者  
益酸悲淚洞雙睛突心灰兩足羸可憐數旬間遂赴泉  
臺期從母哭子目腫  
晴出月餘亦死黃壤埋貞骨青珉豎短碑君觀澗  
底松矯矯葉歲蕤君觀牆外竹斑斑節陸離物性固如  
此人倫中寶稀若非金石勒終隨草木萎誰當旌其閭  
風徽式俗漓誰當封其墓冰操慰數奇予恐墳土乾寂  
寞少人窺聊存彰善意作此閨幽詩

綠陰書齋遺詩

十二

綠陰書齋詩一美余從子何人遺秘山詩人  
與余同歲七余魁月性聰慧讀書自勤  
下顧不屑舉子業好讀山川形勝監方令在  
將事迄丁亥之余回事唐柳邨師恒父史  
相切磋暇以稍學為教乃五七律體余性  
尚於為人善讀書樂讀花竹仙人別語嗜白  
陸蒙山釋子善書畫賦詩小園外與己亥夏  
竹人黃山

清甚精破法體夫誤譯

以口十應以付梓為尚也

却云一肥為戶固也必多一係新法之為

傾晨霞以竹節照細刺他後三月十日秋樹

影風細吐荷香生叶云夏終無夢誠隋帝子

秘場喜家深宮人壽日觀年壽古云煙風

多合僧樓碧簾紫粉伏佛火香江上分自

云江心波浪翻風巨誠角祥獲礙日無冬日小

園印事云日暎燒烟除莖素能宋寒露心霞

芹芽夢遊燕子幾日心三平野鵬鵬身力回

大江轉弓雨聲

其才寬假感

詩之典多也

阮畢為

歸去文

江誠宜

晉友抄

走馬為記

向也為字全作人以按  
更恐不備以詩略為其  
於古為家未回也也  
碑 何人之功者

為錄

方壺館遺詩

善心劉澤槩蒲僊撰

陽霍幾銳庶咸  
校  
向品月景珪筭貽

蛻園偶占

蛩吟四壁小窗空  
寒透重簾夜有風  
忽聽一聲清磬響  
滿山搖破月玲瓏

砧聲敲罷野煙低  
遠近模糊望欲迷  
靜夜不知風露冷  
芒鞋貪立小橋西

醉僊樓夜思

方壺館遺詩

殘月墮高閣  
憑欄生夜愁  
故人千里隔  
烽火幾時休  
樹色已云暮  
泉聲空自流  
更闌兀然坐  
風緊動簾鉤

笠園坐感

枝枝花拂紅闌干  
絡緯一聲秋月寒  
我正披書坐芳草  
短襟孤影空益桓  
銀河倒掛夜將半  
白雲縹緲隨風散  
何處山僧踏屐行  
拈花遠去垂竿岸  
殘楊古道何離離  
秋風一夜生千枝  
觸景無端起悲思  
沈吟不寐寒侵肌

乞兒

猶是當年氣吐虹  
一身高唱書樓東  
藤籃竹杖穿雲去

倒卧青山冷月中

哭季叔朝議公沒於仁岸

黔嶺一書至開函雙淚揮恣嗟幾陶首猶盼雁雙歸時

親往黔省病

南道從茲寂西風動竹林蓬萊千丈水不及此情深  
怕展戒書讀森嚴藥石箴諄諄伏波意耿耿愁余心  
夜月東山墮浩然深我悲含情急就枕應有夢魂隨

秋意

長夜沈吟縱酒寬瘦憐孤影立闌干滿階涼意清如水

方壺館遺詩

一雨成秋尚未寒

秋味

疏磬敲殘月滿林倚樓人共碧梧陰西風一陣墜黃葉  
不嚼萼根味已深

秋怨

料得閨中淚暗彈孤燈長伴夜漫漫遙憐塞外征人苦  
鐵笛一聲關月寒

秋衣

邊城風動法衣單游子沈吟淚不乾身上絲絲慈母線

怕從沙漠月中看

仙庾嶺文昌宮

大造鼓力鞭神龍蜿蜒北走何豪雄須臾變化棄鱗甲  
怪石瘦削撐青空萬山莽莽不敢動四面挺立兒孫同  
巖壑之間此獨絕清影墮地寒生風何來奇傑運巨斧  
巉巖斫斷森玲瓏一杖撥雲盡捲琳宮造設天門東  
盤空百尺聳飛閣四礙白日藏天公文光照耀露芒角  
幽邃險絕俱明通羣疑玉宇咫尺下金鏡燦火初矇矓  
又疑紫煙騰寶蓋篆結雲霧開冥濛我來振衣忽大笑

方壺館遺詩

三

髣髴形影凌蒼穹摩挲崖字問年歲斑駁古意莓苔中  
宮怨

禁門深鎖戀空幃寂寞苔痕草色肥夢裏開籠放鸚鵡  
徘徊猶繞御簾飛

納涼

獨立蓮塘晚風來香氣清殘雲遠岫出新月小山橫

秋閨

草枯木脫秋容黯一陣西風冷不禁塞外征人歸思苦  
幾家明月夜敲砧

學書芋園呈李幼梅師

牙籤風動閣生寒清景娛人興未闌烏倩客來歌踏踏  
梅如人瘦骨姍姍殘碑蝌蚪文字古四壁龍蛇伸縮蟠  
未敢臨池輕潑墨一時矯首作奇觀

秋夜

松徑柴扉夜不扃涼侵短榻夢初醒蕭蕭黃葉打窗紙  
紅豆一鐙秋滿庭

友人談天山詩以紀之

豐碑屹屹擎天山積雪壓頂雲煙環字如斗大識者少

方壺館遺詩

四

螭蟠萬首何斑斕懸巖千尺欲墮地對此那禁凋朱顏  
雨淋風蝕碣愈古欲動不動苔斑斑天公若遣鬼神護  
峭石壁立森天關四時猿狖聚復嘯未許俗客頻躋攀  
我友昔遊大戈壁青海歷徧今復還酒酣拔案舞長劍  
爲我莊述無少慳立功塞外丈夫事感我淚落尤潛潛  
揮毫染紙一長嘯涼月掛樹如弓彎

出塞曲

班馬蕭蕭落照旁大旗橫卷塞雲黃怕從戈壁灘頭過  
白骨撐天一丈長

平入塞曲

斬得樓蘭入漢關淋漓碧血濺刀環莫誇飛將威名顯  
多少征人去未還

雜詠

落花無數儘消愁怕向春風鬪玉甌自檢征衫無一語  
酒痕猶記浸杭州

題羅兩峯鬼趣圖

蟲聲唧唧透窗櫺香霧空濛散一庭手把菱花看仔細  
晴熒寒水鬢毛青

方壺館遺詩

五

此心孤月漾空明嬾向人間逐浪行悄立幽篁叢翠裏  
女蘿衣溼露無聲

夜宿嵩山寺禪院

綠雲深處隱層樓峭立千尋逼斗牛可有僊人騎鶴去  
笛聲吹破海天秋

定王臺

斜日掛樹寒蟬嘶漢家宮闕空塵泥惟餘片土鎮南服  
孝思不共雲烟迷老烏啞啞聲似哭天寒夜向城頭宿  
千竿萬竿脩竹鳴大風折枝枝盡秃粵稽炎祚分土疆



火維坐鎮資賢王莽莽長沙地卑溼側身西望空咸陽  
雲舍迢迢夜不寐杜鵑血染思親淚長安搏土築高臺  
巍峩古壁生寒翠我來臺畔恣游覽俯仰徘徊叢百感  
諸王歌舞各擅場絕工頓笑舒愁慘賢王舞袖胡不張  
局天踏地心悲傷謂是臣國貧且小權詞拜答彌悚惶  
後人不解賢王意幾疑入覲輒驕恣豈知君父寡恩情  
欲借微言表臣志當年遺事說唐姬李代桃僵君不知  
醑醺醉熟鳳輦歇春色暗動珊瑚枝玉人一笑徵蘭夢  
果然天上降雛鳳方欣長發錫嘉名那知萋斐出朝眾

方壺館遺詩

本

削藩令下促王行飛渡瀟湘水清竹淚迎風墮香玉  
草心裊露凝寒晶墓門鬱鬱藏狐兔白楊蕭滅三秋樹  
黃陵抔土同寂寥遊子行吟豈忍顧隴首雲飛孤月寒  
春暉未報兒衣單鷓鴣嘯徹楚天碧欲歸不歸行路難  
風雨年年寒食夜招魂直上凌雲榭一聲楚些向空號  
靈旗恍自雲中下蓼園遺迹至今存破瓦頽垣蝕蘚痕  
更喜幽光發潛德春陵王氣彌乾坤綿延累世流遺澤  
純孝不磨光史冊千秋蘭芷助馨香奠拜謳吟紛過客  
噫吁噫王侯第宅生蓬蒿猿嘯鬼嘯鼉鼉號獨有湘城

一座孤臺聳霄漢長與賈生故宅日月光爭高

詠燈草

芸案光分夜月明因緣文字結三生一身莫笑輕如許  
恰好臨風還太清

聞杜鵑有感

垂楊如畫草如茵任汝催回大地春  
濺血染成紅芍藥年年愁殺客中人

姊妹花枝未忍裁怕他爭向夕陽開  
詩魂縱許春鵑化不信東風喚得回

方壺館遺詩

七

方壺故詩一卷余亡友蒲德之所作也君  
美丰姿善譚論身一揮塵座間便覺  
風生工書及畫筆絕塵點尤酷嗜詩  
時或佐辭月初升花影不映箕坐其下沈  
吟至夜深不倦因伴客自為題跋又自號  
蒲顛其襟期灑落類如是狀玉性純厚遇  
人恆以肫執出之則又未可執一詞也余識君  
竄遲交竄萬而與之三日不奉文僅癸巳歲

君甫補善化縣學生印以是秋死之明年  
 財二十八使天假之年其志趨之心於此其  
 撰述豈止於此余既出傷重故之不可理  
 御吉人則未必壽爰有選詩之舉乃萃  
 朋輩詩并附以己作鈔成牒集以書求蒲  
 隱遺詩於其弟燧生而合刻之於既畢  
 展卷溯連醫醫生平令人殷然欲哭出  
 蒲隱死且十年已先緒三十年仲冬月

唐景岳跋於湘城探社



唐景岳跋於湘城探社  
 君甫補善化縣學生印以是秋死之明年  
 財二十八使天假之年其志趨之心於此其  
 撰述豈止於此余既出傷重故之不可理  
 御吉人則未必壽爰有選詩之舉乃萃  
 朋輩詩并附以己作鈔成牒集以書求蒲  
 隱遺詩於其弟燧生而合刻之於既畢  
 展卷溯連醫醫生平令人殷然欲哭出  
 蒲隱死且十年已先緒三十年仲冬月

出  
出

會  
會



出  
出

會  
會



退愚野樵詩餘

長沙 陳潤湘 黼堂

瀟湘夜雨

新柳

斜點金隄輕籠綺陌春光漏洩條條東風初試酒旗飄  
晴尙嫩鴉藏未穩嬌似怯鶯立還搖誰描取宮妝綽約  
絕世丰標 未堪攀折陽關曲唱望眼迢迢問章臺人  
去誰奏銀簫王郎少早牽離恨小蠻弱微露纖腰迎眸  
處柔情裊裊那禁客魂銷

點絳脣

謹次

柳邨夫子寒夜感懷原韻

退愚野樵詩餘

風急聲淒無端吹撼鄉懷動幾回嗔弄客裏羈愁重  
搔首流光又把涼秋送情誰共一燈清夢寒夜孤衾擁

一痕沙

秋夜有懷

窗外月華如練惆悵可人不見風勁夜添寒一鐙殘  
怕聽淒涼蛩語啼起滿懷離緒好夢太惛惛乍相逢

望江南

寒夜

風颯颯無計破宵寒坐雨愁看燈影亂擁衾可奈枕兒  
單聽到漏聲殘 多少事欲說解人難望遠魚書千里  
杳還家蝶夢五更闌有淚向誰彈

誤佳期 和伶人別情

香篆飄殘金鼎夢攪魂兒未定可人別後翠衾寒繭惹  
相如病 花負海棠春月掩芙蓉鏡垂楊那解者番愁  
故弄風前影

憶秦娥 春暮

春如許垂楊踈地黃金縷黃金縷一條條縮別離情緒  
夢兒幾度飛湘浦驚心日日風和雨風和雨香魂難  
繫落花無語

菩薩蠻 聞蛩

退掃野樵詩餘

二

黃昏兀坐搔蓬髮含情欲把蛩兒問有甚不平心長喏  
續短喏 蛩兒爭解語祇覺聲聲苦清夜惱孤眠相思  
月滿天

風蝶令 秋閨別情

夢破珊瑚枕寒侵翡翠簾西風蕭瑟雨廉纖攪得十分  
離恨到眉尖 何處投箋字無心展鏡奩覓來繡線手  
慵擣但覺盈盈雙袖淚痕添

誤佳期 秋風

落葉乍辭庭樹添得新寒幾許奪將團扇舊恩情別恨

盈盈處 祇解送愁來不爲吹愁去無端擾起暮天雲  
又作絲絲雨

高陽臺

謹步

柳邨師庭前秋草原韻

碎影橫窗殘痕點砌撫時又悵秋深怕聽寒螿三更淒  
咽牆陰青青曾映潘郎鬢莽無端霜老華簪感難禁續  
罷離騷彈罷焦琴 王孫別去歸猶未正蘼蕪路斷杜  
若香沈消息年年惹人客裏驚心幾回踏向空庭月亂  
絲絲似我愁侵且長唸風捲筠簾露冷羅襟

附原作

唐宗海

柳邨

退思野棹詩餘

三

繞砌紛紛披當窗撩亂一庭秋氣方深兩度榮枯伴人  
偷換光陰三春嫩綠依稀事忽催成墜珥零簪最難  
禁踏遍芒鞋眠遍桐琴 騷人自是關情重悵西堂  
夢冷南浦煙沈多祝東風明年還送紅心朱顏不似  
重青草怕鬢絲如此霜侵苦閒唸月轉簾櫳露溼衣襟

前調

謹和

柳邨師感舊韻

柳邨師感舊韻

柳眼慵舒蕉心尙卷海棠沈睡難醒夜雨廉纖客中人  
不堪聽聞愁已逐鶉聲碎更簷端鐵馬東丁苦唸成怕

憶朋儕散若晨星 淒涼往事空回首痛縫衣猶在萱  
草凋零素願都虛那能拖紫紵青生涯深悔儒冠誤悵  
頻年鉛槧勞形對孤檠萬種羈懷一縷離情

謝蘇附原作

唐宗海

柳邨

漏轉銅龍香消金鴨宿醒五斗初醒屈指春來風風  
雨雨時聽寒深向怯珠簾捲闌牆東展齒冬丁悔無  
成書劍多慚鬢髮添星 填詞大半皆攄恨悵酒徒  
寥落詩友飄零堤上垂楊依然放眼青青鍾情怕到  
閒遊處雲無端不似前形對殘檠減卻歡懷惹卻愁

退愚野樵詩餘

四

情

寒沁園春

殘春兼柬价人

又是春殘別緒無端縮徧游絲正紅稀綠暗奈何鶯喚  
風狂雨虐歸去鵲啼寒透襟衫潮生簾幕午睡慙慙夢  
醒時頻回首記樓東縱酒硯北談詞 年年辜負佳期  
悵病後腰圍瘦莫支看月圓月缺蟾奔兔走花開花落  
蜨醉蜂癡往事成塵閒情似水空牘書懷筆一枝君知  
否有愁根寸寸欲贈難持

前調

春感



春色將殘夜雨瀟瀟滴徧苔階正  
蛭魂驚破一番清夢  
鶉聲啼起萬種幽懷生計懸匏別情  
冒柳惆悵年年樂事乖  
東風惡剛遣將愁去又被吹來  
客中苦憶朋儕把舊日魚書  
重展開歎酒徒離散金樽月冷  
詩豪凋謝玉樹塵埋翦燭窗西  
分箋硯北歡會而今安在哉  
孤吟處有一燈照影雙淚盈腮

減蘭

和价人春閨韻

韶光如許門外梨花濃帶雨  
怕倚雕闌翠袖風前不耐  
寒眉痕深淺螺黛勻描  
山樣遠斜倚妝臺笑倩檀郎

退隱野樵詩餘

五

插鳳釵

南鄉子

雨夜遣懷和寄貽韻

如此可憐宵金鴨香殘懶更燒  
愁似柳絲紛繚繞難撩  
况聽窗前雨打蕉兀坐一燈挑  
顧影淒涼不自聊情似藕絲牽宛  
轉難拋淚灑相思化作潮

眼兒媚

春閨用寄貽韻

玲瓏按罷斷腸詞春恨玉簫知  
愁根寸寸淚珠點點都  
化蠶絲生憎無賴鶯聲軟  
偏畫闌啼重簾不捲怕  
他雙燕驀地偷窺

長相思

懺情緣繫情緣緣締三生一暫圓佳人快靚先  
意纏綿恨纏綿蓮子心含吐未便藕絲空復牽

卜算子

秋掩畫屏深曲憶梅花弄相見爭如不見時翻把情根  
種蠶老尙餘絲蝶化難憑夢安得朝朝掠鬢雲竟化  
釵頭鳳

清平樂

和笥貽韻

拋殘紅豆正是魂銷候百合衣香薰欲透人與海棠俱  
退盡雄雉詩餘

六

瘦 晝長深掩房櫳連環恨鎖千重揮盡一春珠淚那  
禁雨雨風風

鐫愁山館詩餘

善化 唐景珪 笥貽

南鄉子

寒重怯春宵，聲碎牆東半是蕉。坐久猊鑪香轉細，休燒似我閒愁未肯消。夢醒兩無聊，壓線生涯冷欲拋。背著燈兒花自落，慵挑淚溼春衫一夜潮。

臨江僊

雨洗紅痕花欲泣，春寒料峭難禁。珍珠簾捲溼雲深。柳棉吹又薄，棠睡夢應沈。差喜金鑪香一剪，心頭賸卻餘溫。東風背立不勝情，綠窗人悄悄，庭院易黃昏。

鐫愁山館詩餘

清平樂

青梅如豆，又近春歸候。鎮日無心慵刺繡，鏡裏眉峰暗鬪。淡雲微雨，簾櫳餘香冷，壓重重。一夜枕冰多少，梨花瘦盡東風。

重疊金

和黼堂春遊

春風綺陌銀鞍駐，櫻桃笑倩鶯聲度。葉葉暗藏嬌魂兒，怎殼銷遠山眉黛蹙。一樣傷心綠斜日，冷歌樓楊花不解愁。

一翦梅

嬾畫長眉鬪遠山  
研就銀螺寫就湘蘭  
美人秋水鏡光寒  
翦翦明眸淺淺冰紈  
放葉臨風折復寬  
替我相思著上毫端  
素心人愜素心歡  
花影依稀月影團圓

江城子

送春

東風初試綠楊天  
盪輕煙繫飛鳶  
牢住風光不費買春錢  
敲斷曉鐘何處覓  
隨蛺蝶過牆邊  
雨餘紅淚尙嬌然  
擘箋醉離筵  
爲問東君今去幾時還  
坐惜送春人易老  
喚不轉是華年

鐫愁山館詩餘

沁園春

悄步危樓頻揩淚  
眼消遣春閒  
奈不盡湘流如愁  
莫剪亂堆龍草似  
恨難刪  
捲起癡雲立殘斜  
照都付昏鴉縹緲  
閒嬌無賴  
偏飛來蝴蝶淺樣羅衫  
醒餘舊夢闌珊  
悵素粉盈盈尙易殘  
對眾綠香前撲來  
紗扇亂紅影裏  
團住闌干暮色寒  
催晚風弱怯  
淡雅春衣總覺單  
徘徊久笑倚樓人  
倦眉月彎環

浣溪紗

題兩女士贈花圖爲吳廣文作

蕭寺牆頭笑折花花高無礙  
粉牆遮燕支略透鬢雲斜

帶露香濃應損麝烘晴絮嫩好藏鴉綠楊深處是儂家

人面花顏二月春海棠無語解溫存一枝旖旎若爲情未許知名憐小小祇緣無分喚卿卿別時難道不銷

魂

小住花陰繫玉驄美人春困倚東風闌干曲曲屨弓弓纖手親貽情轉密羞眸斜睇臉微紅勝他江上採芙蓉

蓉

姊妹花枝約略猜綠陰門巷舊樓臺春風搖曳過牆來

鐫愁山館詩餘

三

不願因風頻點上願隨化作鬢邊釵釵頭小鳳不分開

鵲橋僊 七夕

瓜筵拜月鍼樓乞巧佳節有情如許笑聲風墮隔簾聽的的是嬌花軟語 銀河瀉影銀燈照夢愁在曲闌西處數疏疏幾點秋星便化作絲絲淚雨

卜算子

涼約棗簾風香墮梅魂雪花月窺人漸上窗故把燈兒滅 畫意碧天澄秋思銀河闊重蕪蘭膏背月明怕照

心頭缺

重疊金

輕陰庭院秋如許無人解道秋心苦小立對寒香西風  
晚又涼銀屏閒倚玩試把花魂喚花也怕經秋含情  
各自愁

長相思

送君時別君時怕憶燈紅話舊時河梁五字詩鞭絲  
絲影絲絲約住江干萬柳絲夕陽人影遲  
早寒時暮寒時容易江天鴈到時莫教書到遲君相

鐫愁山館詩餘

四

思我相思兩地離愁百轉思書來定寄詩

憶江南

花朝近春到更情慵杏靨嬌癡還怯雨柳腰纖弱不禁  
風寂寂小簾櫳深夜坐獨自擘箋紅傳恨有詞香化  
蜨翦燈無力玉凝蟲長是盼來鴻

虞美人

殘春寄黼堂

輕煙縷縷愁如織嬾把殘紅拾柳條無力搭闌干底事  
東風猶作不情寒新來錦浪渝湘浦莫是臙脂雨一  
層層更滿桃潭帶得幾分離恨過江南

咀澹山房詩餘

善化 劉澤渠 獲生

清平樂 春思

濃陰十里蜨也眠如此綠上珠簾捲不起人在百花叢裏  
待得燕子歸時檀郎知否相思防著鸞啼妾夢教  
他飛過柳枝

虞美人 春雨

小樓聽罷春難曉舊恨添多少桃花開盡杜鵑紅無奈  
今年人老夢魂中 前溪流水添三尺一帶山含碧小

咀澹山房詩餘

姑描樣畫眉峰畫出遠山翠黛正愁儂

生查子 梨花

嬈嬈玉堂仙金屋何時貯帶雨欲看人淚重春如許  
莫共柳棉飛更怕添愁緒庭院又黃昏獨立人無語

相見歡 宮詞

後庭曲按琵琶舞腰斜新月一鈎初上紫薇花  
院昭陽殿夜如年新寵也誇昨夢到君前

菩薩蠻 秋閨

蛩啼金井秋梧老空階葉落無人掃風動入簾來羅裳

吹自開 柳眉愁午斂寂寞深闈掩昨夢化鴛鴦孤飛  
秋夜長

前調 紅豆

幾番搖落西風裏勸君莫禩相思子點點是秋心秋深  
愁更深 月輪低繡幕怕見燈花落南國鴈連天懷人  
又一年

浣溪紗 宮怨

記醉昭陽玉漏稀君王情重思依依酒痕怕覩舊時衣  
不是關河離別苦宮牆祇隔一重闌晚來魂傍御簾

咀澹山房詩餘

二

飛

漁家傲 秋閨

盼斷尺書搜故紙孤燈涼夜芽霜藥欲製秋衣寒透指  
憑玉几碧天倒掛銀河水 孤鴈一聲人萬里淚珠彈  
向西風裏化作斷腸花更紫眠欲起月兒正照鴛鴦被

瀟湘夜雨 秋海棠

瘦減芙蓉嬌憐芍藥玉人底怪情慵誰將哀怨譜絃中  
懷正苦鴈橫塞北開未落月上牆東尋秋夢鸚哥喚醒  
祇是愁儂 芳心一點相思何處付與飛蓬恨年年腸



斷寂寞深宮香乍吐花如人澹情更怯淚比花紅銷魂  
處黃昏睡起無語對西風

鳳凰臺上憶吹簫

玉鈞斜

環珮音沈綺羅春散誰憐  
粉殘香任鳥啼花泣  
蝶病蜂狂怎奈宮人春夢呼不醒地  
老天荒秋風裏殘魂游  
戲化作鴛鴦歡場而今已矣  
三十六宮中雲想衣裳  
弔夕陽衰草何處椒房  
苦恨年年杜宇聲聲慣叫  
斷人腸空留得蛾眉新月  
畫出宮妝

祝英臺近

蘆花

咀澹山房詩餘

三

夕陽低流水淺鴈影掠南浦  
卸盡紅妝頭白向人舞  
最憐司馬多情一江秋色倩商婦  
四絃重譜沈吟苦怕  
觀散絮輕棉斜飛更難數  
冷伴吳楓兩岸月初吐  
莫同薄倖楊花隨風飄泊  
卻不管情絲千縷

憶王孫

宮詞

龍池漏盡篆煙消靜鎖深宮  
夜寂寥別院歌聲百囀嬌  
舞纖腰一架鞦韆入碧霄

瀟湘夜雨

七夕友人招飲卽席戲贈

鵲駕星橋香焚繡幕一年聚首  
今宵人閒天上恨同消

彈不盡湘絃情重畫不出梅帳人嬌堪憐處金鍼乞巧  
祇怕來朝 低頭細按琴心欲語一抹還挑科眉尖愁  
鎖著意輕描更欲轉高燒蓮炬秋未老瘦減菱腰佳期  
過秋風味苦湘水夢兒遙

望海潮

登衡山有感

地雄荆楚星分翼軫山川形勝清幽北望洞庭南瞻大  
庾我來絕頂重遊俯仰闊陰眸看大江落日遠浦帆收  
分付奚奴安排斗酒話滄洲 不見岫嶁碑留把興亡  
感慨付與江流煨芋鄴侯題詩刺史古人千載悠悠何

望澹山房詩餘

四

晚煙浮 處一聲秋正朔風下鴈好放歸舟回首雲山不見一片

望海潮

登衡山有感

與秋來驗更重 與秋來驗更重 與秋來驗更重 與秋來驗更重

與秋來驗更重

與秋來驗更重

與秋來驗更重

與秋來驗更重

方壺館詩餘

善化 劉澤槩 蒲僊

轉應曲

秋月

秋月秋月昨夜團圓今缺清光照徹瀟湘可有離人斷腸腸斷腸斷影落金尊未滿

孤鴈兒

秋鴈

書空點點渾無迹望欲斷天涯隔一聲嘹破洞庭秋空闊楚天澄碧迢遙關塞可曾遊子倩汝傳消息西風涼信催刀尺一陣陣排雲出蘆花明滅蓼花紅掠盡暮煙斜日年年秋到衡陽征影都似曾相識

方壺館詩餘

多麗

蟋蟀

豆花天聲聲叫破寒煙正疏籬殘陽明滅碧天孤月初圓嬾婦驚忙敲玉杵征人感歸整銀鞭五夜啼風三秋咽雨最難堪處可人憐怕底是琵琶商婦譜入四條絃頻斷續有何幽怨如此纏綿自宋玉魂銷嗟苦有誰剗得情緣雜寒蠶羅衣正冷和絡緯團扇將捐草長空階桐凋古井深宵孤立未成眠儘勾引離懷別緒都到寸心前光陰晚可能喚轉錦瑟華年

綠陰書舍詩餘

長沙 曹典藩 价人

憶秦娥 春暮

廉纖雨綠陰淒絕鶯兒語鶯兒語問春歸處不知何許  
扁舟送別經南浦傷心怕折垂楊縷垂楊縷風流依  
舊可憐張緒

黃金縷 閨情久補堂韻

東風無力楊枝老絮撲長堤點點和煙裊盼斷玉關歸  
路杳新愁舊恨何時了  
新愁舊恨何時了淚眼模糊

綠陰書舍詩餘

直任燈兒惱寄與相思紅豆少從今倦把蛾眉掃

東風南鄉子 立夏

門外雨廉纖滿地殘紅盡化煙怪底春歸人意懶慳慳  
燕子飛來不捲簾 料峭晚風嚴吹得新寒一霎添欲  
解杖頭沽酒去青帘指點孤邨綠樹邊

津沽	册数	1
	定价	150

64110993



226